

ছয়াল গণী ।

সর্বউত্তম

সাবেকৌ ছাপা !!

আসল !!!

আবদুল আলী গার্লী

ও নিবারন সুন্দরীর পুথি।

সায়ের—মুনী মোহাম্মদ ইউনুছ সাহেব ।
কপি স্বত্বের মালিক ও প্রকাশ কমিলা নিবাসী মুনী
মোয়াজ্জিদ আলী সাহেব । তাহান পুত্র মহাম্মদ
ইয়াছিন মিয়ান নিকট হইতে কপি স্বত্ব
রেজেক্টারী কাবালা দ্বারা খরিদ করিয়া
ছাপাইলাম খরিদা সুত্রে মালিক ও
প্রকাশক—

শ্রী আবদুল হামিদ
২২/২২/৮৭



প্রিন্টার—এম. আজিজুর রহমান চৌধুরী দ্বারা মুদ্রিত ।
হামিদীয়া প্রেস, চুড়িহাট্টা, ঢাকা ।

ইং তাং ২০—২—৪৬ ।

@jamilahmedkhan

মূল্য ১০ টাকা আনা

আবদুল আলী গার্লী

ও নিবারন সুন্দরীর পুথি ।

প্রভুস্তুতি ।

পয়ার ❀ প্রথমে প্রনাম করি প্রভু করতার ॥ ছায়া নাই কাঁয়া
নাই স্তনের আকার ❀ হস্ত নাই পদ নাই নাহি তার সির ॥ অথও
মহিমা প্রভুর নির্মল শরীর ❀ নাহি খায় অন্ন দানা নাহি যায় ঘুম ॥
কি হালেতে চলে বান্দা সদায় মালুম ❀ চুরি কি ডাকাতি কিয়া করে
জেনাকারী ॥ এক দৃষ্টে দেখে আপে আল্লাবারী ❀ বান্দাকে করিয়া
পন্নদা প্রভু নিরাঞ্জন ॥ দুনিয়ায় ভেজিয়া দিল বন্দেগী কারণ ❀ বদেতে
নারাজ প্রভু নেক কামে রাজি ॥ সেখানে না খাটিবে দুনিয়ার ফেরেব
বাজি ❀ তিলে হিমাব লইবে আল্লা সাই ॥ ঐ সময় কান্দিলে রান্দা
উপায় বুদ্ধি নাই ❀ সময় থাকিতে কর আখেরের কাজ ॥ জাতে আল্লা
রাজি থাকে না হয় নারাজ ❀ প্রভুর প্রশংসা এবে রহিল বারণ ॥ মা
বাপ ওস্তাদের কথা শুন দিয়া মন ❀ নতসিরে নমস্কার ওস্তাদ চরণ ॥
কাব্যযত্নে জার যত্নে পাইল শারণ ❀ জনক জননী পদ বন্দি বঁহু বরণ ॥
তাদের চরণে মোর শত নমস্কার ❀ মোহাম্মাদ ইউনুছ কহে মন করি
ভীত ॥ ক্ষমিবে জানিলে দোষ বালক চরিত ❀ আমি অতি মুর্থ মতি
বিজ্ঞা বুদ্ধি হীন ॥ ছোট কালে পাঠশালাতে পাড়িছি কত দিন ❀ বিজ্ঞা
বুদ্ধি হীন কিন্তু মুর্থ পণ্ডিত ॥ সায়েদী করিতে ইচ্ছা মনেতে বাঞ্ছিত
এই পর্য্যন্ত কাল দিন এই সব বানী ॥ প্রভু স্মরি আরম্ভিহু কিছার
কাহিনী ❀

(২)
কেচ্ছা-আরম্ভ ।

ধূয়া—শুন সাধু ভাই ॥ আবদুল আলীর গুণের সীমা নাই ॥
প্রভুর নাম অমরাধিয়া, রছুলের নাম মনে লিয়া, আবদুল আলীর
গান লৈয়া চৈত্রাম দুটি ভাই ॥ আবদুল আলী নাম খাটি, বাড়ী ছিল
বালপা কাটি, রূপে গুণে পরিপাটি, সমান কেহ নাই ॥ বয়েস যখন
বৎসর কুড়ি, হাওয়া খায় অর্শে চড়ি, বরিশাল জিলাতে গেল তামাসা
তাইবার লাই ॥ সেথা যাই কিবা করে, সহর ঘুরিয়া ফিরে, আচম্বিতে
খাড়ওয়ালের এক দলে পড়ে যাই ॥ পাহারুরা খাড়ওয়াল তারা, নিত্য
ফর্ম সর্প ধরা, শত শত সর্প রাইখেছে খাচাতে আটকাই ॥ দাড়াইয়া
আইয়া চক্রপোড়া, দুধরাজ তিলইকা বড়া, পানক শকুনী কত লেখা
জোখা নাই ॥ খাড়ওয়ালের এক মেয়ে ছিল, বয়স পনের ফোল, আর্শি
চেয়ে চুল ঝাড়ে চিকুণী লাগাই ॥ যেই মেয়ের মুখের ছটা, নারাজি
জন্দের গোটা, ছর পরী মোহ যায় থাকুক গোসাই ॥ কপালে তিলকে
ফোটা ॥ জানু শোম কেশের জোটা, আকুমার আছে কন্ঠা বিবাহ হয় ২
নাই ॥ মায়ের দুঃখ ভ ধন, নাম রাখে নিবারণ, আচম্বিতে আবদুল
আলীর নজর পড়ে যাই ॥ নিবারণকে চক্ষে দেখি, পলক না মারে
আখি, প্রেম বান জন্মে আমি বিনিলেক সাই ॥ আবদুল আলী
যেই স্থানে, নজর করে নিবারণে, দুই জনের দৃষ্টির প্রেম চক্ষের
আসনাই ॥ দু-জন দুইখানে রহে, ছটফট অঙ্গ দহে, ভঙ্গ প্রেমে কদা-
চিত রঙ্গ লাগে নাই ॥ কহে কবি হীন মতি, চৌপদীতে দিতে ইতি,
আবদুল আলীর বিবাহ কথা পয়ারে জানাই ॥

পয়ার ॥ এইখানে আবদুল আলী ভাবে মনে ॥ কি রূপে মিলন
হবে নিবারণের সনে ॥ ভাবিয়া চিন্তিয়া এক বুদ্ধি করে সার ॥ সর্পের
কুণ্ডলী বিনা না দেখি বিস্তার ॥ তামাম দিবস ভরি খাড়া ছিহু এথা ॥
একজন খাড়ওয়ালের নাহি পাই কথা ॥ শত জন মধ্যে এক নাহি পুছে
বাণ্ড ॥ কেমনে করিব প্রেম নিবারণের সাত ॥ এবলিয়া প্রভু নাম
স্মরণ করিয়া ॥ সর্প সব বন্ধ করে কুণ্ডলী ফুকিয়া ॥ সে সময় দিনমনি
লুকায় অস্তরে ॥ রাত্রি ভর রহে আবদুল দোকানীর ঘরে ॥ প্রভাতে
খাড়ওয়াল সব করে কোন কাম ॥ সর্প জড়ি কান্দে লিয়া চলি গেরাম
সর্প নাছ বায়ানা যাব যেইখানে হৈল ॥ বাড়ি হইতে সর্প নিকলিতে না
পারিল ॥ সরস পাইয়া তবে আমিল ফিরিয়া ॥ তবে মিলে করে মুক্তি

নিরালম্ব বসিয়া ❀ জেন্দেগী ভরিয়া সর্প নাচাইয়া খাই ॥ আজি কেনে
 সবেই এই দশা হইল ভাই ❀ নছিবের দোষে কহে এক জন ॥ আর
 জন বলে তাহা না হবে কখন ❀ কলা যে বিদেশী এক মোদের মকাম ॥
 সারাদিন খাড়া ছিল তাই এইকাম ❀ এই কথা শুনি সবে বিশ্বাস করিল
 হেনকালে আবদুল আলী আসিয়া পৌছিল ❀ যাড়ওয়ালেরা দেখি-
 লেন আপন নজরে ॥ কেহ বলে মার ধর বিদেশীর তরে ❀ বুদ্ধিমুস্ত
 জনে বলে না কহ এমন ॥ এই জন সামান্য না হবে কদাচন ❀ তার
 দ্বারা হয় যদি মোদের বিহিত ॥ তথাপি তাহার নফ্ট না করা উচিত ❀
 এই কহি যাড়ওয়ালেরা করে কোন কাম ॥ আবদুল আলী নিকটেতে
 পৌছিল তাইকাম ❀ ছালাম আনেক দিয়া পুছিল খবর ॥ কোথা হৈতে
 আসিয়াছ কোথা তেরা যর ❀ উচ্চ কাফ্ট চোকি নিয়া বসিবার দিল ॥
 পান তামাক দিল বহু মহাসা করিল ❀ নিজ হস্তে আবদুল আলীর পুছ
 যে ধোলায় ॥ কেহং দাড়াইয়া পাঞ্জা করে গায় ❀ যত যাড়ওয়ালেরা
 সব খেদমতে রহিল ॥ বহু প্রেম করি পরে খানা খেলাইল ❀ তার
 পরে আবদুল আলী পুছিল খবর ॥ কি জন্তে আমাকে এত করহ
 আদর ❀ যাড়ওয়াল বলিল তাহা হুজুরে জানাই ॥ কল্য যে আপনি
 এসে ছিলেন এই ঠাই ❀ সে হইতেই আমাদের সর্প রাজ যত ॥ নাচে
 ক্ষান্ত হইয়াছে কুণ্ডলীর মত ❀ আমরা যাড়ওয়াল সর্প নাচাইয়া খাই
 হুজুরের নিকটে কসুর মাফ চাই ❀ সর্প রাজ করে দেহ সাবেক প্রকার
 যাহা চাহ তাহা দিব করিব কারার ❀ আবদুল আলী আইনু মেহনান
 হইয়া ॥ এক জন না পুছিলে আমার লাগিয়া ❀ সেই জন্তে বহু গোষ্ঠা
 হইল মোব মন ॥ কুণ্ডলীতে বন্ধ করি যত সর্পগণ ❀ যাড়ওয়ালেরা
 বলে কর অপরাধ মাফ ॥ মেহেরবাগী করে ভাল করে দেহ সাপ ❀
 আবদুল বলেন তবে শুনহ খবর ॥ নিবারণের সঙ্গে যদি দেও সয়ধর
 কুণ্ডলী হইতে সর্প করিব খালাম ॥ এবো মনস্তাপ ব্যক্ত করহ সুপাস
 সবে বলে এই বাতে হইলাম রাজি ॥ কিন্তু মত হয় কিনা আপনার
 মরজি ❀ নিবারণকে দিব বিবা ক্ষতি কিছু নাই ॥ কোথায় পাইব মোরা
 এমন জামাই ❀ এই কহা বলা করি সকলে মিলিয়া ॥ আবদুল আলী
 স্থানে দিল নিবারণের বিয়া ❀ রক্ষে ঢক্ষে সমাধা হইল শুভ কাজ ॥
 কুণ্ডলী হইতে মুক্ত করে সর্পরাজ ❀ দিন মনি লুকাইয়া রজনী হইয়া ॥
 আবদুল আলী নিবারণের বাসরে পৌছিল ❀ নিবারণ আছিলেক পক্ষ

তাকাইয়া ॥ হেনকালে আসিয়া পৌছিল প্রাণ প্রিয়া ॥ দোহাকার
 রূপে দোহে আছিল মগন ॥ নিমিষে হইয়া গেল প্রিয়ার দর্শন ॥ মধু
 খানে উন্নত আছিল তার মন ॥ তার বিগুণ বন্ধি ছিল নিবারণ ॥
 শুইল পালঙ্কে যাই কণ্ঠা কোলে করি ॥ কানাই পাইল যেন রাধিকা
 সুন্দরী ॥ ছয়ফল মল্লুক যেন পাইল লাল মতি ॥ রত্ন হেন পার্শ্ব যেন
 কল্প পদ্মাবতী ॥ সেই মত আবদুল আলী পায় নিবারণ ॥ খুসিতে
 ভূমিতে হইয়ে তুষ্ট হইল মন ॥ এইমতে দুইমাস গত হইয়ে গেল ॥
 আবদুল আলী নিবারন কহিতে লাগিল ॥ কহিয়া বলিয়া দোহে
 বিদায় হইল ॥ আবদুল আলী নিবারন দেশেতে পৌছিল ॥ আবদুল
 আলীর মায়ে যদি পাইল খবর ॥ পুত্র বধু দেখে বুড়ি খোসাল অন্তর
 তুষ্ট হইয়ে পুত্র বধু তুলি লৈল কোলে ॥ লক্ষ্য চন্দ্র দিল শ্রীকণ্ঠ
 কপালে ॥ পুত্র বধু লয়ে বুড়ি খোসালে রহিল ॥ এই রূপে এক মাল
 গুজারিয়া গেল ॥

সর্পের গান আরম্ভ ।

চিতং মিল ॥ আবদুল আলী নিবারন, খুসি খোসালিতে দোন
 থাকে হামেহাল, দেখনা বিধিয়ে কিবা ঘটায় জঞ্জাল ॥ শুন যত গুণীগণ
 করিয়ে খেয়াল ॥ একদিন নিবারনে, শুয়ে ছিল তুষ্ট মনে, বিছানার
 উপর ॥ স্বপনেতে দেখে এক সর্প অজাগর ॥ কহিতে লাগিল সর্প
 নিবারন গোচর ॥ নিবারণ তোমাকে বলি, তোমার পতি আবদুল
 আলী, জানে সর্প ধরিতে, পাঠিয়া খালি দক্ষিণ মুখি থাকি যাড়াতে ॥
 দৌল্লা একটা পাঠা, নিবে আমায় ধরিতে ॥ এমন স্বপন দেখে, নিবা-
 রন শুয়ে সন্ধ্যাতে, চমকি উঠয় আচরিতে, দেখে আবদুল বলে হায়রে
 হায় ॥ কি জন্তেতে প্রিয়মিনী কাপে সর্ব গায় ॥ শাস্ত হয়ে নিবারনে
 কহে আবদুলের স্থানে ॥ শুন দিয়া মন, যেইমতে আসি সর্পে দেখাইল
 স্বপন, একে আদি অন্ত কহে নিবারনে ॥ এত শুনি আবদুল আলী,
 প্রভু নাম নাহি বলি, দর্প করে কয়, পাঠা বলি চাহে সেই কোন সর্প
 হয় ॥ পাঠা নাহি ধরব সর্প তাতে কিবা হয় ॥ দাড়ি মাঝি ডাকি তখন
 বলে নৌকা কর সাজন, যাব সর্প ধরিতে, অধিন বলয় তোমার খুড়া
 নিকটে ॥ প্রভু নাম পাশরীলা মরনের পথে ॥

আবদুলের মায়ের বিলাপ ।

ধূম্র—বাছারে তোরে, মায়ে নিষেধ করে ॥

আবদুলেরে যেওনা দুঃখিনীর বাছা, তোরে মায়ে নিষেধ করে ॥
 সর্প ধরিতে যাকরে আবদুল চড়িয়া নৌকায় ॥ পাষণ ঋদে মারি
 কান্দে আবদুল আলীর মায় ॥ যেইওনাং বাছা সর্প ধরিকার ॥ ছটফট
 করে যেন কলিজা আমার ॥ এক মায়ের এক পুত্র নির্দীনীর পুত্র ॥
 তোমায় ছাড়িয়া মায়ে ত্যজিব জীবন ॥ বারেং যাওরে নিমাই নাহি
 করি মানা ॥ আজি কেন মায়ের মনে প্রবোধ মানে না ॥ নাহি যাও
 বাছা ধন মায়ের কথা শুনি ॥ আজিকার মহিম ক্ষেপ্ত কর যাদু মনি ॥
 এইমত কান্দে বুঝায় তার মায়ে ॥ কিছুতেই না মানিল মায়ের কথারে
 চিত্ত মিল ॥ তেরশ পনের মনে, মাঘ মাসে আট দিনে, বরিশাল
 জিলায়, বরিশালের স্তম্ভগতে ঘটনা উদয় ॥ কহিতে সেসব কথা প্রাণে
 নাহি শয় ॥ সে-সব কথা বলিতে, বাসনা হইল মনেতে; শুনেন সর্ব
 জন, কর্ণ লাগাইয়া শুনেন সে-সব কথন ॥ কিরূপে সে আবদুল আলী
 হইতেছে মরন ॥ বাড়া ছিল ঝালপা কাটি, রূপে গুণে পরিপাটি, এক
 বিবি ছিল তার, সতর খানি নৌকা ছিল তার আজ্ঞা কার ॥ সর্প ধরা
 বিনে তারগো না ছিল কারবার ॥ মাঘ মাসের আট রোজেতে, লোক
 জন লইয়ে সাথে সর্প ধরিতে, সতর খানি নৌকা লই গেল পাটুয়া
 খালিতে ॥ লোকজন রাখি আবদুল উঠিল কুলেতে ॥ জননী ও নিবান
 রণে, দাড়ি মাঝি সর্বজনে রাখিয়া নৌকায়, একেলা চলিল আবদুল
 সে সর্প যথায় ॥ সর্পের ঘাড়া দেইথে পরে নিরঙ্কিয়ে চায় ॥ কোথায়
 ডাকছে সর্প, করিয়া মহা দর্প, এখন রহিলে কোথায় ॥ ছত্রিশ রাগিনী
 আবদুল বাণীতে ফুকয় ॥ সুনিয়া সে বাণীর সুর, সর্পে অঙ্করে ফুলায় ॥
 পয়ার ॥ সর্প উঠা মত্ত ফুকে বাণীর ভিতর ॥ ঘাড়ার সম্মুখে
 আবদুল কহে বারেবার ॥ আগে তুমি ষিবারনকে দেখাইছ স্বপ্ন ॥
 আমার দেখিয়া কেনে রহিলে গোপন ॥ দৌল্লা পাঠা আনিয়াছি
 তোমার লাগিয়া ॥ ঘাড়া হইতে উঠে একবার যাও দেখা দিয়া ॥
 শীঘ্র আস ঘাড়া হইতে না করিও ভয় ॥ না উঠিলে ঘাড়া খুদি ধরিব
 নিশ্চয় ॥ একেত ছিরের বাত আর বিনার সুর ॥ শুনি উঠে মহা সাপ
 যুক্তি করি চুর ॥ কবি বলে আবদুলেরে বিধি হৈল বাম ॥ ঘাড়া
 হইতে অঙ্ক ফুলাই উঠে সক্রাম ॥

চিত্র মিল ॥ কোম্পানীর ইঞ্জিনের কলে, বল টিপিলে ধূয়া চলে
সোঃ শব্দ ভয়ঙ্কর, সেইমত উঠে সর্প করি চূর্ণকার ॥ শুনিয়া সে শব্দ
আবদুল কাপে খরঃ ॥ হু হুকার করি সর্পে, মাথা তলে মহা দর্পে,
চক্ষু মেলি চায়, এক মুটি ধলা মারে সে সর্পের মথায়, ॥ নাহি মানে
ধলা পড়া অমনি সে পেচায় ॥ পেচাপেচি বিষম পেচি, হাড় মাংশ
লিলা পেচি, আবদুল বলে হায়রে হায়, কোথা রৈলে মা জননী সর্পে
মোরে খায় ॥ কোথা রৈল নিবারন এসনা ত্রায় ॥ মোয়া হাত সর্পে
ছিল, পাচল্লিশ হাত হইয়া গেল, নামে শঙ্কুরাম সতর জোড়া বাশের
সঙ্গে অমনি পেচায় ॥ ডলকেঃ রক্ত পড়ে সে বাশের গোড়ায় ॥

আবদুল আলীর বিলাপ ।

পয়ার ॥ আহারে পাপিষ্ঠ সর্প দুষ্ট দুরাচার ॥ বধু সঙ্গে দর্প করি
হইলাম সংহার ॥ নিবারনের সঙ্গে কত করিলুম জেদ ॥ মরন কালে
না শুনিলাম মায়ের নিষেধ ॥ কৈয়রে পবন যাই জননীর কাছে ॥ তো-
মার পুত্র আবদুল আলী সর্পে ধরিয়াছে ॥ কোথায় রৈল ইষ্ট মিত্র
কোথায় বন্ধুগণ ॥ কোথায় রৈল সতর থানি নৌকার মহাজন ॥ কোথায়
রৈল দাড়ি মাঝি কোথা লোক জন ॥ নিদানে পাইয়া সর্পে বিধিল জীবন
সিমাল ধতি জরীর টুপি কোথায় চেকন ॥ কোথায় রৈল অঙ্গের ভূষন
কোথায় নিবাবন ॥ মনেতে আসক্লা করি মোরে খাইবার ॥ এখন যদি
নিবারন পায় সমাচার ॥ কখন খাইতে না পারিবে কদাচন ॥ এত বলি
আবদুল আলী জুড়িল কানন ॥ নহিবেতে ছিল সর্পের ডংশেতে মরণ
হায়ঃ কোথায় রৈল গুণের নিবারন ॥ কৈয়রে পবন তোমার পুত্রের
মরণ ॥ তালাশ করিয়া তারে আনো এইক্ষণ ॥ এইমতে বিলাপিয়া
কহে প্রভুস্থান ॥ হেনকালে খবরুয়া আইল একজন ॥

চিত্র মিল ॥ কাটাখালীর তমিজদ্দিন, তাঁর ভাই মফিজদ্দিন,
সে রুশ কাটিতে যায়, এৰ! ফোটা রক্ত পড়ে তমিজদ্দিনের গায় ॥
এহাল দেখে ধায় তমিজ সাপরিয়া যথায় ॥ আরও রক্ত বাশের
গোড়ায়, দেখিয়া উপরে তাকায়, নজর করে চায়, সর্পের পেচে দেখে
এক মানুষ তথায় ॥ পেচাইয়ে ধরছে সাপে বাশের আগায় ॥ দেখি
সেই মহা সাপে, তমিজদ্দিন অঙ্গ কাপে, ভয়েতে পালায়, নদীর
কিনারে থাকে ডাকে সাপড়ায় ॥ সাপের মুখে একজন মানুষ নারা যায়
সাপেরাঃ ভাই ডাকি, তোগো এক জন মানুষ নাকি, আজি সাপে ধরে

খায় ॥ একথা শুনিল কেবল আবদুল আলীর মায় ॥ কি হৈল কি হৈল
বলি এগো ভূমিতে লুটায় ॥

জননী দোহরা বিলাপ ।

পর্যায় ॥ যবে এই কথা মায়ের কর্ণেতে শুনিল ॥ আশ্রয়ঘাতি
হৈয়ে মায়ে ভূমিতে পড়িল ॥ কি শুনিলামঃ ওরে যাদু মনি ॥ কে
কহিলঃ মোরে এই বানি ॥ কেনে যাদু মায়ের কথা করিলে অদুল ॥
কে নিলঃ মায়ের প্রাণের আবদুল ॥ কে নিলঃ মোর চক্ষের আঞ্জল
কি হৈলঃ মোর নয়ানের ধন ॥ কে নিলঃ মায়ের নয়ানের জুতি ॥
কে নিলঃ মায়ে হব আশ্রয়ঘাতি ॥ কে নিলঃ মায়ের বুক কৈরে খালি ॥
কেমনে ফুৎশিলে সাপ মায়ের আবদুল আলী ॥

নিবারনের বিলাপ ।

চিত্ত মিল ॥ এমত বিলাপি করে, ধর্য্য ধরাইতে নারে, আবদুল
আলীর মায়, পোড়া মুখি কপাল তোর মন্দ হইয়ে যায় ॥ গোস্বা হইয়ে
নিবারনের লাথি মারে গায় ॥ ছিল যুনেতে, শ্বাশুড়ীর পুত্ৰাঘাতে,
অমনি উদ্দিশ পায় ॥ যুনের ঘোরে শ্বাশুড়ীয়ে কি জন্তে জাগায় ॥
কান্দিলঃ কহে কথা আবদুল আলীর মায় ॥ নিবারণ তোল কপাল
দোষে, পতি তোর সর্পে ডংশে, কহিহু তোমায় ॥ নছিব হইল মন্দ
ডংশে শঙ্কুরায় ॥ কি করগো নিবারণ শুয়ে বিছানায় ॥

পর্যায় ॥ এক লাথি দুই লাথি তিন লাথি পর ॥ চৈতন্য লীঙ্কিত
কথা নিবারন সুন্দর ॥ কি হৈলঃ বলি কান্দে উভরায় ॥ আহা বিধি
বজ্রাঘাত পড়িল মাথায় ॥ কেমন সর্পে খায় জানি পতি প্রাণে ধন ॥
আহা প্রভু দুখিনীয়ে ত্যাজিব জীবন ॥ সে সর্পের দংশন পাইলে
মারিতাম কাছাড়ি ॥ আহা বিধি হইলাম বুঝি কাঞ্চা রাড়ি ॥ এমত
বিলাপি কথা কান্দে উভরায় ॥ তৈল সিন্দুর মাথে দিয়ে আশি ধরি
চায় ॥ সিতায় সিন্দুর হইলেক মলিমা আকার ॥ হারঃ পতি বিনে
জীবন অশার ॥ আবদুল শোকেতে কান্দয় নিবারন ॥ পশু পক্ষী কান্দে
আর পারা পরশিগণ ॥

চিত্ত মিল ॥ শোকেতে মউজ উইঠে, নিবারনের হৃদ্র ফাট, বলে
শ্বাশুড়ীর সদন, স্বামী আদর্শনে করব গরল ভক্ষণ ॥ বিদায় দেহ জননী
মা যাব পতীর দর্শন ॥ পাগলিনী মত কান্দে, কেশ বেশে নাহি বান্দে,
কান্দে উভরায়, দৌল্লা পাঠা লিয়া গেল সে সর্প যথায় ॥ সাপের পেড়ে

দেখে পতি বাশ জুড়ার আগায় ❀ নিবারন সেখানে গেল, দৌড়া
পাঠা বলি দিল, সর্প নামের পর, চতুর্দিকে লোক খাড়া কাতারে
কাতার ॥ হায়ং করে কেহ কান্দে জারেজার ❀ একের মুখে একে শুনি
এক, ধ্যেয়ে এল শত লোক, সে সর্প চাইতে, কুল বধু জ্বা মেয়ে আইল
দেখিতে ॥ উকি মারি দেখি আবদুল সর্পের পেচেতে ❀ থাকুক পুরুষ
যত, রমণীগণ শতং, এল ধাতা ধাই এক বধু কহে একে জামিনীলো
রাই ॥ সর্পের গাছে মানুষ তোলে এমন শুনতে পাই ❀ এক বধু লগি
করতে, লোটা হাতে বাহিরেতে, আসি শুনতে পাই, গাছের গোড়ায়
লোটা রাখি লোক চলিল ত্রায় ॥ কত বধু ধ্যেয়ে এল বজ্র নাহি গায় ❀
হাজারেং লোক; আসি জমা হইলেক, দেখে আবদুলের মূরন, কেহ
কান্দে কেহ ধন্যে অজ্ঞান যেমন ॥ কেহ হইল হশ হাক্বা কেহ ভয়ে
কম্পমান ❀ সরস্বতী আসর যেন, চারিদিকে লোকগণ, মধ্যে গায় গান
সেইরূপ খাড়া লোক মধ্যে স্বামীর বিচ্ছেদ ধ্বনি শোকাঁকুলি মন ❀

পয়ার ❀ তার পরে নিবারন করে কোন কাম ॥ করিয়া মোহিনী
বজ্র পড়িল তানাম ❀ মন্ত্র পড়ি যিগ্যজ কড়ি জমিনে ফালায় ॥ ভোং
শব্দ কড়ি উঠিল ত্রায় ❀ কড়িকে বলিল ধ্বনি আগে ছিলে বার ॥
আগে ছিলাম তব পিতার এখন তোমার ❀ মোর যদি হবে কড়ি কহি
বারে বার ॥ মন্তকে কামড়ি ধর সর্প শঙ্করার ❀ এতশুনি সেই কড়ি
কুর্দিয়া চলিল ॥ সর্পের মন্তকে সেই কামড় মারিল ❀ নড়িতে চড়িতে
সর্পের শক্তি না রহিল ॥ যোল পেচি লেজ ক্রমে খসাইতে লাগিল ❀
থেকে কড়ি সর্পের মুণ্ডে মারহ ঠকর ॥ নিদানে সে দুষ্ট সর্প হইল
কাতর ❀ আপন লেজের পেচ খসাইয়া লয় ॥ পাচল্লিশ হাত সর্প ছিল
সোয়া হাত হয় ❀ গড়াইয়া দুষ্ট সর্প মাটিতে গিরিল ॥ আবদুল আলী
বাশের ঝাড়ে আটক রহিল ❀ কেহ যাই আবদুলেরে নিল নামাইয়া ॥
নিবারন রাখে সর্প পাতিলে মরিয়া ❀ যেই বাশ পরে সর্প উঠাইয়া
ছিল ॥ সেই বাশে ডাল ভাঙ্গি পিঠেতে লাগিল ❀ সাপ কাটা তব্ব
ঝাড় ফুকে ঘনে ঘন ॥ বহুক্ষণ ঝাড় ফুকে কিছু হশ হন ❀

খানায় এক্জহার ও পুলিশের তদন্ত ।

নিদারুন স্বামীকে নিয়ে, নাসিকাতে হাত রাখিয়ে, সোয়াশ ধইরে
চায়, কিঞ্চিৎ বিলম্বে তার, কিছু নিশ্বাস পায় ॥ দশটি টাকা দিয়ে নিল
আর্মভলি খানায় ❀ দারগা জিজ্ঞাস করে, মৈল বেটা কি প্রকারে,

কহিয়া মোরে সাপ কাটা করি এই কহিল তারে ॥ একথা হীরালাল
 বাবু বিশ্বাস না করে ॥ সাপ কাটা লাশ হইলে, হাত পাও কেন
 স্নানিলে, সত্য কৈরে কও, অনাহুক কথা কেন কহিয়া বাড়াও ॥ পল্ট
 ভাবে কথা বৈলে সন্ধান নিয়ে যাও ॥ দেখ চিনা বেত দিয়া, ফাটাইয়া
 দিব টিয়া, বুঝিবে নাছে, স্বামী মেইরে বলছে মাগি সর্পে কাটাইছে ॥
 এসব কথা নাহি খাটে পুলিশের কাছে ॥ এত শুনি নিবারনে, ভয়
 পেয়ে মনে, বুদ্ধি কৈল সার, দশ টাকা গোপনে দিল হাতে দারগার ॥
 সুম পেয়ে হীরালালে কহিল সভার * নিবারনের জ্বান বন্ধি, শুনি
 সব কথা মন্ধি, চলে ঘটনার স্থান, তদন্ত করিয়া পরে আসে তুরমান ॥
 উপরে লিখিয়া দিল সর্পে কাটা মরণ *

উত্তরের বিলাপ ।

চিত্ত মিল * সেথা হইতে নিবারনে, পতি লয়ে নিজ স্থানে,
 কেন্দে যায়, উচ্চস্বরে ধরি কান্দে শ্বাশুড়ীর গলায় ॥ হেলায় হারাইল
 পতি স্বামীরায় * আবদুল আলীর মায়ে বলে, কেন বিধি দেখা-
 ইলে, পুত্রের চন্দ্র মুখ, পাষাণে মারিয়া মাথা ফাটাইলে বুক, কোথায়
 চৈল্লাছ বাচা আমার দিয়ে দুঃখ, এক পুত্র ছিল তুমি, রূপে গুণে
 মহানামী, দুঃখিনীর ধন, বিদেশে আশিয়া বাছার হইল মরণ ॥ এত
 শুনি কান্দে যত নৌকার মহাজন * বধু শ্বাশুড়ী কান্দে, কেশ কেশ
 নাহি বান্দে, করে হায় হায় আহা বিধি, কিবা দুঃখ খটাইলে আমার ॥
 কি দোষে শ্বাশুড়ীগো আমার নাছিব টাইলে যায় * এইমতে বিলাপিয়া
 সর্পের পাতিল হাতে লৈয়া, কহিল বচন, আমার পতিকে সর্প কৈরাছ
 ডংশন ॥ দেখ পতির দাদ তোমায় করিব মোধন * শুন কহি গুরে
 পাপ, তব চেয়ে বড় সাপ, নিজ গুণেতে দর্প চূর্ণ করি লাধি মাগি
 মুণ্ডেতে ॥ সেই জনের স্বামী মায়া যায় তোর হাতে * শত পক্ষ ভাবে
 তাহা, হিসাবেতে হয় বাহা, তোমার মুখেতে, উঠাইয়া নিব আনি
 নিজ গুণেতে ॥ বণ্ড তোমার মুণ্ড কৈরব পরেতে * এমত বড়াই কৈরে
 কহে কথা সে সর্পেরে, একে নাহি ভার, অধিন বলয়ে গুণ না ল্যাগিবে
 আর ॥ আরশে থাকিয়া আল্লা হইল বেজাপ * নিবারনে বলে সর্প,
 কোথায়বে তোর মহাদর্প, রহিল এখন ॥ একা পতিকে পাই, করেছ
 ডংশন * মন্ত্র ফুকি করে অক্ষে দিল নিবারন, তখনে যাইয়া কড়ি,

সর্পের মুণ্ডে বসে চড়ি, কি করে তখন ॥ যখন মন্ত্র ফুকে গুণের
নিবারণ, দেখনা কি হাল ঘটায় প্রভু নিরাপ্তান ॥

পয়ার ॥ তার পরে কিবা হয় শুন গুনিগণ ॥ কড়ি প্রতি আদেশ
করিল নিবারন ॥ কড়িকে বলিলে তুমি আগে ছিলে কার ॥ পূর্বে
ছিন্তেব পিতার এখন তোমার ॥ মোর যদি হও তুমি হইলাম খুসি ॥
শত শৃঙ্খ অংশে যাহা লও শীঘ্র চুসি ॥ হুকুম পাইয়া কড়ি করিষ
পালন ॥ নিরারন মন্ত্রপাঠে ফুকে যনেযন ॥ প্রভুর আদেশ রদ হইবার
নয় ॥ আজাজিল তরে প্রাণ হুকুম করয় ॥ যাওরে সয়তান তুমি নিবা-
রণের দেলে ॥ যত মন্ত্র ভুলাইয়া দেহ এক কালে ॥ আমার ভরসায়
বেটি না করিল কাজ ॥ এখন তাহারে আমি কি দিব লাজ ॥ আজা-
জিলে সয়তান লই প্রভুর আদেশ ॥ নিবারণের শরীরেতে করিলে
প্রবেশ ॥ গাও মুখে সর্প মুখ একত্র করিল ॥ সেই সময় আজাজিল মন্ত্র
ভুলাইল ॥ ঘুরাই ফিরাই মন্ত্র পড়ে বারে বার ॥ কেন মতে না পারে
পড়িতে পুনঃবার ॥ কড়ির দংশনে সর্প আছিল হয়রান ॥ মন্ত্র ভুলনেতে
সর্প পাইল আছান ॥

চিতং মিল ॥ মন্ত্রের জোর না পাই কড়ি, সর্পের মুণ্ডে দিল ছাড়ি
কড়ি গড়াইয়া পড়য় ॥ খালাস পাইয়া সর্প ভরিল গোস্বায় ॥ দেখনা
কি হাল পরদা করিল খোদায় ॥ গোবা হৈয়ে সেই সাপ, স্বাসড় ছাড়ে
অগ্নি তাপ, ভয়ে নিবারন, হারে মুখে সদা পাগলের লক্ষণ ॥ সমকালে
পাসরিল্য প্রভুর শ্রবন ॥ গোস্বায় সে শ্রবায়, অগ্নি স্বমন্ত্র হৈয়ে,
লইয়ে মুখে আকাশে উঠিল, লই আবদুল আলীকে ॥ আচম্বিতে
বজ্রামেল পড়িল বৃকে ॥ নিবারন সেই যড়ি, আচম্বিতে ভূমে পড়ি,
পতির কারণ ॥ আহা বিবি এই বুঝি অচুকে লিখন ॥ হারাধন দিয়ে
পুনঃ নিলে কি কারণ ॥ এই তোর ছিল মনে, কেড়ে নিলে পতি ধনে,
প্রভু নিবারন ॥ এপোড়া যৌবন আর রাখি কি কারণ ॥ স্বামী বিনে
কামিনীর বিফল জীবন ॥ হায় বিবি কি করিলে, দুঃখানলে ভাসাইলে
নাহি দেখি কুল ॥ অধিন বলয় তোমার, দিশা হৈল ভুল, যার পাশে
কান্দ তুমি সে বিপন্নের মূল ॥

জননী তেহরা বিলাপ ।

চিতং মিল ॥ কেহ যাই খবর পোছে, আবদুল আলীর মায়ের
কাছে, কহিলেক যাই ॥ তোমার পুত্র নিল সর্পে কুণ্ডে উড়াই,

মুছীঘাত ভূমে পড়ি লুটাই * হায় করে বড়ি, মাথায় মারে সোটার
বাড়ি, উগাতের প্রায় ॥ এইনি ললাটে লিখে ছিলে বিধাতায়, মাতা
রেখে পুত্র স্বাগে স্বর্গে চৈলে যায় * নিবারনে কেন্দে বলে, শ্বাসুড়ীর
ধরি গলে, প্রাণ ফাটে যায় ॥ কোথা গেলে পাব আমি বাকা শ্যামুরায়,
কোথা নিল দৃষ্ট না জানি নিশ্চয় *

পরায় * এইখানে এইকথা রহিল বারন ॥ আবদুল আলীর কথা
কিছু শুন গুনিগণ * আবদুল আলীকে নিয়া সর্প দুরাচার ॥ বুলাদি
নগরে গিয়া হইল নমুনায় * গৃহের বধ এক সেই নগরের ॥ বাড় কাশ
করিতে আছিল উঠানের * মে র গর্জন মত কম্পিত মেদিনী ॥
শুনিয়া আকাশ পানে দেখে সেই বনি * স্ত্রে দেখে অজাগর মনুষ্য
তার মুখে ॥ দেখি বধ শ্বাসুড়ীকে ঘন ডাকে * দেখগো শ্বাসুড়ী
আসি করিয়া নজর ॥ মুখেতে মানব স্ত্রে উড়ে অজাগর * তা শুনিয়া
যত নারী বাইয়া আসিল ॥ হায় শব্দ মুখে বলিতে লাগিল * কাহার
বাচাকে জানি সর্পে নিয়ে যায় ॥ হায় জানি কেমনে রহিয়াছে তার
মায় * অবলা কালেতে বধ মা বাপের ঘর ॥ মিয়াজির নিকটে শিখি-
য়াছিল মন্তর * আচম্বিতে সেই কথা হইল স্মরণ ॥ শ্বাসুড়ী নিবটে
বধ কহিল তখন * শুনগো শ্বাসুড়ী আমি তোমার পায়ের ধরি ॥ আপনার
হুকুম হইলে লামাইতে পারি * এইকথা শ্বাসুড়ীয়ে যখন শুনি ॥
খুসি হৈয়ে বধ প্রতি হুকুম করিল * হুকুম পেয়ে মন্ত্র পাঠে হঠের
পিছা দিয়া ॥ যতিকাতে তিন বারি মারিল কসিয়া * উর্দ্ধমুখি সর্পি-
কাতে ধম জালাইল ॥ সেই সহরেতে সর্প লামিয়া আসিল * সর্প
পড়ি মারিলেক অজাগরের দায় ॥ পাচল্লিশ হাত সর্প ছিল সোয়া হাত
হয় * ফের সর্প পড়িয়া দিল সেই বনি ॥ চূড়ল হইতে মুখ উঠায়
তখনি * পুনঃবার সর্প মারে বিবী নেকর ॥ ডংশযাতে যুখে বিষ
করিল আহার * তার পর সর্প রাজ বিদায় হইল ॥ দণ্ড চারি বাদে
আবদুল উঠিয়া বসিল * সকলে বলিল তারে কিবা তোম নাম ॥
কোন জাতি হও তুমি কোথায় মোকাম * একথা শুনিয়া আবদুল
কান্দিয়া উঠিল ॥ আদি অস্ত সব কথা প্রকাশ করিল * বিবীকে
ডাকে মা মিয়াকে ডাকে বাপ ॥ দাওয়া পানি করে বিবী যেমন
একচারি *

পতি অদর্শনে নিষ্ঠুরণের ক্ষেত্র
 ধূয়া—বন্ধু আড়নয়নে ও নাথ আড়নয়নে ও তারে
 আড়নয়নে দেখিলাম না।

ত্রিপদী ❀ অবলা কালেতে নাথ, বিয়া হৈল তোমারি মাথ, এক
 দিন না বন্ধু সুখে ॥ মা বাপের ঘরে ছিহু, পতি কি ধন না বুঝিহু,
 এবে মোর জীবন গেল দুঃখে ❀ তুমি নাথ দূর দেশ, আমি নারী তনু
 শেষ, ভাবিতে হইয় ক্ষয় ॥ মনে কহে কিবা করি, আগ্রহাতি হৈয়ে
 রি, বিষ খেয়ে মরিব নিশ্চয় ॥ আহা সর্প দুষ্ট মতি, কোথা লুকাইলে
 পতি, তাহা নাহি জানি অভাগিনী ॥ নিষ্ঠুর তোমার মন, কোড়ে পতি
 প্রাণ বন, দুঃখিনীরে কল্পে কাঙ্কালিনী ❀ একবার বাশ গাছে, অভা-
 গিনী যায় পৌছে, লামাইহু পেয়ে বড় দুঃখ ॥ ফের তুলি আকাশেতে,
 কাথায় নিলা আচম্বিতে, নাহি দেখি পতি প্রাণ মুখ ❀ এমত আক্ষেপ
 মনে, কান্দে সকা নিবারনে, মুখে সদা করে হায় ॥ কোথা হৈল প্রাণ
 প্রিয়া, অভাগিরে পাশরিয়া, মন দুঃখে বারমাসী গায় ❀

নিবারনের বারমাসী।

চিত্ত মিল ❀ প্রথম মাঘ মাসে, মোর পতি সর্পে ডংশে, দুঃখে
 গেল মাস ॥ হুতন যুবতীরা মন অভিলাষে, স্বামী পাশে থাকে ধোমে
 মোর সর্বনাশ ❀ এইত জাড়ার দিন, যুবতী রমণী গণ, জরাজরী হয় ॥
 গোয়ালু তারা পতি কোলে লই, আমি দুঃখি পোড়া মুখি, পতি ঘরে
 নাই ॥ আইলরে ফাল্গুন মাস, মোর পতি দূর দেশ, আছে কিনা নাই ॥
 আর্শি ধরি চাহে সিন্দুর মলিন হয় নাই ॥ মাঘে সর্পে নিচে দিবে,
 ফাল্গুনে পৌছাই ❀

পয়ার ❀ চৈত্র মাসে শ্বাশুড়ীগো হালিয়ার বনে বিচ ॥ আনগো
 কোটরা ভরি খাইয়া মরি বিষ ❀ একেত রবির জ্বালা প্রচণ্ড অনল ॥
 সমুদ্রেতে ঝাপ দিলে না লাগে শীতল ❀ এইত বৈশাখ মাসে সুশাগ
 মালিতা ॥ সব লোকে খায় সাগ মোর হস্তে তিতা ❀ অঙ্গে পাখা নাই
 পতি পাশে উড়ি যাব ॥ বান্ধব নাহিক কেহ সংবাদ পাঠাব ❀ জৈষ্ঠ
 মাসে খায় সবে আম কাঠাল রসে ॥ কারে লৈয়া খাব আজি পতি
 নাই দেশে ❀ আমিত অবলা নারী পতি ঘরে নাই ॥ রজনী কাটাই
 আমি কান্ন মুখ চাই ❀ আষাঢ়েতে নব জল খালে আর বিলে ॥ প্রাণ
 বন্ধু নাই, ঘরে কেবা জল ঢালে ❀ অবলা কালেতে মোর না পুরিল

আমি ॥ হায় নাথ অস্ত্রাগিনী সমূলে মিশ্র ॥ শারণ নামে পতি স্বামী
 নরানবীন খায় ॥ মোর কপালে মন পতি সর্পে নিয়ে যায় ॥ আহারে
 পাপীষ্ঠ সর্প দুর্ঘট দূরাচার ॥ কোথা নিয়ে রেখে ছাছ পতিকে আমার
 এইত ভাদ্র নামে গাছে পাকা তাল ॥ যোগের যোগিনী হইয়া হস্তে
 লইব খাল ॥ হস্তে খাল লই আমি ভিক্ষা মাগি খুব ॥ যথায় গেছে
 প্রাণ নাথ তথায় চৈলে যাব ॥ আশ্বিন মাসেতে নাথ বরিষার শেষ ॥
 নী আসিল প্রাণ বন্ধ না পুরে আবেশ ॥ কার্তিক মাসে অবলার প্রাণ
 নহে স্থির ॥ সমস্ত রজনী কান্দি চক্ষে বহে নীর ॥ হেন কালে কেবা
 আমি कहিল বচন ॥ থাকে বৈধ্যা বরি ওরে নিবারন ॥ পৌষ মাসে
 তোমার পতি আসিবে নিশ্চয় ॥ মন বাঞ্ছা হবে পূর্ণ মাহি কিছু ভয়
 এত শুনে খুসি প্রাণে গায় হৈল বল ॥ কৃষিয়ে পাইল যেন বরিষার
 জল ॥ শিশুয়ে পাইল হাতে পূর্ণিমার টান ॥ অন্ধজনে পায় যেন পুনঃ
 চক্ষু দান ॥ অগ্রা পৌষ কাটে ধনি হস্তেতে গুনিয়া ॥ এই মাস
 বাদেতে আসিবে প্রাণ প্রিয়া ॥ সাজ শয্যা করি এথা রহ নিবারণ ॥
 আবদুল আলীর কথা কিছু শুন দিয়া মন ॥ মুলাদি নগরে থাকে
 যাহার মোকাম ॥ দাওয়া পানি করি কিছু পাইল আরাম ॥ একসাল
 সেই খানে গুজরে যখন ॥ মাতা বধুর কথা তার হইল শারণ ॥
 গৃহস্থগো বধু জাকে মাতা ডেকে ছিল ॥ कहিয়া সভাকে আবদুল
 বিদায় হইল ॥ এই মতে কিছু দিন গুজারিয়া যায় ॥ আপনা বাড়িতে
 আবদুল আসিয়া পৌছায় ॥ নিবারনে দেখি স্বামী মাতা পুত্রের মুখ ॥
 কান্দিয়া কাটিয়া সবে পাশরিল দুঃখ ॥ মোহাম্মদ ইউনুছ কহে
 ছলাম আমার ॥ ভুল চুক মাফ চাই ওয়াস্তে আল্লার ॥

—ঃ সমাপ্ত :ঃ—

—ঃ(❀)ঃ—

পত্র লিখিবার ঠিকানা—

এম, আবদুল লতিফ, আবদুল হামিদ ।

চক বাজার, ঢাকা ।